

# SARS e tla boela e fumana tjhelete ya sekoloto sa R15m e mabapi le ho se leshwe ha PAYE, VAT

**20 Phato 2021** – Ditshebeletso tsa Lekgetho tsa Afrika Borwa (SARS) di fumane kahlolo e ba nehang tumello ya ho hapa thepa mapatlelong a khampani ya mashala, Shefa Group, boitekong ba ho fumana tjhelete ya sekoloto sa lekgetho e kana ka R15-million.

Sekoloto sena sa lekgetho se bile teng ka mora hore molefalekgetho a fane ka dikgutliso tsa PAYE, VAT, UIF le SDL ho SARS ntle ho etsa tefo, jwalokaha ho hlokeha ho ya ka molao. Hona ke ketso ya bonokwane.

Khomishenara Edward Kieswetter o itse: “SARS e nka mehato e matla kgahlano le dikhampani tse hulelang basebetsi ba tsona makgetho mme di hlolehe ho lefa makgetho ana ho SARS, e leng se hlokehang ho ya ka molao.”

Khomishenara o tlatsitse ka hore makgetho ana ke a hlokehang mokotleng wa naha mme ha a moo bakeng sa khampani kapa balaodi ba yona ho ka ithuisa ka ona kapa ho tswela dikgwebo tsena tsa bona molemo.

O tswetse pele ka hore: “Matsatsing ana a ho iphumana hape ha ikonomi e nonyeditsweng ke sewa sa Covid-19, mmuso o hloka mehlodi yohle eo e ka e fumanang hore e kgone ho thusa ba fumanehileng le ba kotsing ya ho utlwiswa bohloko mmoho le ho thusa dikhampani tse ikobelng tefo ya lekgetho ka kimollo ya lekgetho. Maikemisetso a rona a mawala a hlakile. SARS e tla nolofalletsa balefalekgetho ba ikobelang tefo ya lekgetho dintho, empa e tla thafalletsa le ho etsa hore ditjeo e be tse hodimo bakeng sa balefalekgetho ba sa ikobeleng boitlamo bona ba bona. Ketsahalo ya kajeno mmoho le maiteko a rona a ntseng a tswela pele, ke sesupo sa maikemisetso a rona ho fedisa boitshwaro bona bo jwalo ka dikhampani tse sa ikobeleng.”